

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-05-2/19 od 08.01.2019. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa VD Direktor Mr. Zijad Memišević (u daljem tekstu: Ugovorni organ)
2. **FEB – Društvo za izdavačku, instruktivno-obrazovnu, uslužnu i trgovinsku djelatnost- d.d. Sarajevo, ul. Mula Mustafe Bašeskije br. 11.**, registrovan kod Općinskog suda u Sarajevu (matični broj subjekta upisa 65-02-0033-11, stari broj: 1-1390) identifikacijski broj kod Porezne uprave FBiH Kantonalni ured Sarajevo 420056606004, PDV broj: 20056606004 koga zastupa direktor Peštović Elma (u daljem tekstu: Izvršilac usluga)

Dana 08.01.2019. godine, u Sarajevu zaključuju

UGOVOR O IZVRŠENJU USLUGA

Član 1.

Ugovorne strane su saglasne da Izvršilac usluga za potrebe Ugovornog organa izvrši uslugu **usavršavanja putem seminara za 2019. godinu za potrebe Službe materijalno-finansijskih i računovodstvenih poslova KJU „Gerontološki centar“ Sarajevo**, a sve prema zahtjevima Ugovornog organa iz Zahtjeva za dostavu ponude broj: 13-05-1/19 od 03.01.2019. godine i Ponudi Izvršioca usluga, broj: 4/19 od 04.01.2019. godine, koji čine sastavni dio ovog Ugovora.

Član 2.

Ukupna ugovorena vrijednost predmetne usluge iznosi **1.700,00 KM bez PDV, odnosno 1.989,00 KM sa PDV-om.**

Ugovorena vrijednost iz stava 1. ovog člana je fiksna do kraja izvršenja ovog Ugovora.

Član 3.

Ugovorni organ se obavezuje da će plaćanje ugovorene vrijednosti usluga iz člana 2. ovog Ugovora izvršiti u roku od 30 dana od dana prijema fakture za plaćanje, na transakcijski račun Izvršioca usluga, broj: 3389002207884134, otvoren kod UniCredit Bank d.d. Sarajevo.

Član 4.

Ugovorne strane su saglasne da se usluga usavršavanja putem seminara za potrebe Službe materijalno-finansijskih i računovodstvenih poslova KJU „Gerontološki centar“ Sarajevo vrši u toku 2019. godine i to u Sarajevu i u Neumu.

Član 5.

Izvršilac usluga garantuje blagovremeno i kvalitetno izvršenje predmetne usluge.

Ukoliko u toku izvršenja ovog Ugovora nastupe okolnosti koje se u vrijeme njegovog zaključenja nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Ugovorne strane su dužne da se o nastalim nepredviđenim okolnostima odmah međusobno pismeno obavijeste.

Član 6.

Ovaj Ugovor se primjenjuje od dana obostranog potpisivanja i traje do izvršenja svih ugovorenih obaveza.

Član 7.

Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Ovaj Ugovor se smatra raskinutim prijekom pismenog obavještenja o raskidu istog.


Član 8.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 9.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA



Broj: 40/18

Datum: 15.01.2019



UGOVORNI ORGAN

Broj: 13-05-4719

Datum: 08.01.2019. godine



